

ხელშეკრულება  
სახელმწიფო შესყიდვის შესახებ №58  
(NAT220006140)

მცხეთა

21 აპრილი 2022 წელი

1. ხელშეკრულების დამდები მხარეები

ერთის მხრივ საქართველოს შინაგან საქმეთა სამინისტროს მცხეთა - მთიანეთის პოლიციის დეპარტამენტი (მის: მცხეთა, ანტიოქიის ქუჩა N3, საბანკო რეკვიზიტები: სახელმწიფო ხაზინა, კოდი - TRESGE22, საიდენტიფიკაციო კოდი - 236097987), ღირექტორის - დავით თამაზაშვილის სახით და მეორეს მხრივ

მიმწოდებელი: შპს „მაქსტორ“; საიდენტიფიკაციო კოდი: 406196682;

მისამართი, ტელეფონი, ელექტრონული ფოსტა:

ისანი-სამგორის რაიონი, ვარკეთილი 3, I მ/რ, კორ. 12, ბ. 4, +995591111202, maxtor@mail.com

ღირექტორი: დავით დევაძე

საბანკო რეკვიზიტები: სს „თიბისი ბანკი“; ბანკის კოდი: TBCBGE22; ა/ა: GE20TB7677236120100005

(შემდგომში „მიმწოდებელი“), საქართველოში მოქმედი კანონმდებლობის შესაბამისად და მათი გათვალისწინებით, შეთანხმდნენ სახელმწიფო შესყიდვის შესახებ ხელშეკრულების პირობებზე და სახელმწიფო შესყიდვის შესახებ ხელშეკრულების დადების თაობაზე.

2. ხელშეკრულების (შესყიდვის) ობიექტი, შესყიდვის საშუალება, ხელშეკრულების ღირებულება და ხელშეკრულების მოქმედების ვადა

2.1 ხელშეკრულების (შესყიდვის) ობიექტია: თავსებადი კარტრიჯების შესყიდვა. ინფორმაცია საქონლის დასახელების, ტექნიკური მახასიათებლების, რაოდენობისა და ერთეულის ღირებულების შესახებ მოცემულია მიმწოდებლის მიერ წარმოდგენილ ფასთა ცხრილში, რომელიც თან ერთვის ხელშეკრულებას და წარმოადგენს მის განუყოფელ ნაწილს (იხ. დანართი N1 – 3 (სამი) ფურცელი).

2.2 შესყიდვის საშუალება: ელექტრონული ტენდერი აუქციონის გარეშე NAT220006140

2.3 ხელშეკრულების საერთო ღირებულება შეადგენს 9475.00 (ცხრაათას ოთხას სამოცდათხუთმეტი) ლარს. ხელშეკრულების ღირებულება მოიცავს, როგორც შესყიდვის ობიექტის ღირებულებას, ასევე წინამდებარე ხელშეკრულების შესრულებასთან დაკავშირებით მიმწოდებლის მიერ გაწეულ ყველა ხარჯს და საქართველოს კანონმდებლობით გათვალისწინებულ გადასახადებს.

2.4 კლასიფიკატორის კოდი: CPV-30100000 - საოფისე მანქანა-დანადგარები, აღჭურვილობა და საკანცელარიო ნივთები, კომპიუტერების, პრინტერებისა და ავეჯის გარდა.

2.5 ხელშეკრულება ძალაშია ხელშეკრულების გაფორმებიდან 2023 წლის 31 იანვრის ჩათვლით, მაგრამ არაუადრეს მხარეთა მიერ ხელშეკრულებით ნაკისრი ვალდებულებების სრულად და ჯეროვნად შესრულებამდე.

3. შესყიდვის ობიექტის მიწოდების პირობები, ვადა და ადგილი

3.1 შესყიდვის ობიექტის მიწოდების ვადა: ვადა: ხელშეკრულების გაფორმებიდან 30 (ოცდაათი) კალენდარული დღის განმავლობაში.

3.2 შესყიდვის ობიექტის მიწოდების ადგილი: მცხეთა, ანტიოქიის ქუჩა N3.

3.3 მიმწოდებელი ვალდებულია განახორციელოს უფლებრივად და ნივთობრივად უნაკლო შესყიდვის ობიექტის მიწოდება მოქმედი ყველა საჭირო ნორმების, სტანდარტების, წესებისა და მოთხოვნების დაცვით.

4. შესყიდვის ობიექტის ხარისხი

4.1 მიმწოდებელი იღებს ვალდებულებას, რომ მიწოდებული ობიექტის ხარისხი უპასუხებს ხელშეკრულებით გათვალისწინებულ პირობებს და დააკმაყოფილებს შემსყიდველის მოთხოვნებს.

4.2 ხელშეკრულების მოქმედების ნებისმიერ ეტაპზე და ასევე მისი მოქმედების დასრულების შემდგომ, აღმოჩენილი ხარვეზის ან/და ნაკლის არსებობის შემთხვევაში, მიმწოდებელი ვალდებულია 5 (ხუთი)

კალენდარული დღის ვადაში გამოასწოროს იგი ან შეცვალოს ახალი შესყიდვის ობიექტით, შემსყიდველის მხრიდან დამატებითი დანახარჯების გაწევის გარეშე.

4.3 მიმწოდებლის მიერ ამ მუხლით განსაზღვრული ვალდებულების შეუსრულებლობის შემთხვევაში შემსყიდველს უფლება აქვს მოსთხოვოს მიმწოდებელს შესაბამისი ხარჯების ანაზღაურება.

## 5. ხელშეკრულების შესრულების კონტროლი

5.1 შემსყიდველს ან მის წარმომადგენლებს უფლება აქვთ განხორციელონ ტექნიკური კონტროლი ან/და გამოცადონ საქონელი, რათა დარწმუნდნენ მათ შესაბამისობაში კონტრაქტით გათვალისწინებულ ტექნიკურ პირობებთან.

5.2 მიმწოდებელი ვალდებულია საკუთარი რესურსებით უზრუნველყოს ხელშეკრულების პირობების შესრულების კონტროლის განხორციელებისათვის აუცილებელი პერსონალისა და ტექნიკური საშუალებების გამოყოფა, ასევე უზრუნველყოს საჭირო სამუშაო პირობები. იმ შემთხვევაში, თუ შემსყიდველი ორგანიზაცია ხელშეკრულების პირობების შესრულების კონტროლის მიზნით გამოიყენებს საკუთარ ან მოწვეულ პერსონალს, მის შრომის ანაზღაურებას უზრუნველყოფს თვითონ შემსყიდველი ორგანიზაცია.

5.3. შემსყიდველი შესყიდვის ობიექტის მიწოდების კონტროლს ახდენს სისტემატიურად, საკუთარი შეხედულებისამებრ. კონტროლი ხორციელდება როგორც შუალედური ფორმით - შესყიდვის ობიექტის მიწოდების პროცესში, ისე მისი დამთავრების შემდგომ. შემსყიდველი იტოვებს უფლებას, ხელშეკრულების მიმდინარეობის ნებისმიერ ეტაპზე მოახდინოს დამატებითი კვლევა.

5.4 მიმწოდებელი ვალდებულია საკუთარი ხარჯებით უზრუნველყოს კონტროლის შედეგად გამოვლენილი ყველა დეფექტის ან ნაკლის აღმოფხვრა და წუნდებული საქონლის შეცვლა.

5.5 მიმწოდებლის მიერ ხელშეკრულებით ნაკისრი ვალდებულებების შესრულების კონტროლს შემსყიდველის მხრიდან განხორციელებს მცხეთა - მთიანეთის პოლიციის დეპარტამენტის საორგანიზაციო უზრუნველყოფის განყოფილების სპეციალისტი (საწყობის გამგე)

## 6. შესყიდვის ობიექტის მიღება-ჩაბარების წესი

6.1 შესყიდვის ობიექტის მიღება - ჩაბარება განხორციელდება ეტაპობრივად, შემსყიდველისა და მიმწოდებლის უფლებამოსილი წარმომადგენლების მიერ მიღება-ჩაბარების აქტის გაფორმებით.

6.2. შემსყიდველის მხრიდან მიღება-ჩაბარების აქტ(ებ)ის გაფორმებაზე უფლებამოსილა მცხეთა - მთიანეთის პოლიციის დეპარტამენტის საორგანიზაციო უზრუნველყოფის განყოფილების სპეციალისტი (საწყობის გამგე)

6.3 მიღება-ჩაბარების აქტების გაფორმების პარალელურად, მიმწოდებელი ვალდებულია წარმოუდგინოს შემსყიდველს შესაბამისი საგადასახადო დოკუმენტაცია (მოქმედი კანონმდებლობის შესაბამისად).

6.4. იმ შემთხვევაში, თუ მიღება-ჩაბარების აქტის გაფორმების დღე ემთხვევა არასამუშაო დღეს, მაშინ მიღება ჩაბარების აქტის გაფორმება შესაძლებელია განხორციელდეს მომდევნო სამუშაო დღეს, რაც არ ჩაითვლება მიმწოდებლის მხრიდან ვადის გადაცილებად.

## 7. ანგარიშსწორება და ანგარიშსწორების ვალუტა

7.1 ანგარიშსწორება მოხდება უნაღდო ანგარიშსწორებით ლარში.

7.2 ანგარიშსწორება განხორციელდება 2022 წლის სახელმწიფო ბიუჯეტის სახსრებით, ეტაპობრივად, ფაქტობრივად მიწოდებული საქონლის მიხედვით. მიღება-ჩაბარების აქტისა და შესაბამისი საგადასახადო ანგარიშ-ფაქტურის (კანონმდებლობით დადგენილ შემთხვევაში) დეპარტამენტში წარმოდგენის შემდეგ არაუგვიანეს 15 კალენდარული დღის ვადაში. თუ ანგარიშსწორების განხორციელების ვადის ბოლო დღე ემთხვევა არასამუშაო დღეს, მაშინ ანგარიშსწორება განხორციელდება მომდევნო სამუშაო დღეს.

7.3 წინასწარი ანგარიშსწორება (ავანსი) არ გამოიყენება.

## 8. ხელშეკრულების პირობების შეუსრულებლობა

(საჯარიმო სანქციები, ფორმა, ოდენობა და გადახდის ვადები)

8.1 ფორს-მაჟორული პირობების გარდა, ხელშეკრულების დამდები მხარეების მიერ ხელშეკრულების პირობების შეუსრულებლობისა ან/და დაგვიანებით შესრულების შემთხვევაში გამოიყენება საჯარიმო სანქციები.

8.2 ხელშეკრულებით ნაკისრი ვალდებულებების შეუსრულებლობის ან არაჯეროვნად შესრულების (გარდა შესრულების ვადის დარღვევისა) შემთხვევაში მიმწოდებელს დაეკისრება ჯარიმის გადახდა ყოველ ჯერზე ხელშეკრულების ღირებულების 1%-ის ოდენობით.

8.3 ხელშეკრულებით ნაკისრი ვალდებულებების შესრულების ვადის, მათ შორის ხარვეზის აღმოფხვრის ან/და ნაკლის გამოსწორებისათვის განსაზღვრული ვადის გადაცილებისათვის მიმწოდებელს დაეკისრება პირგასამტეხლოს გადახდა ყოველ ვადაგადაცილებულ დღეზე ხელშეკრულების ღირებულების 0.5%-ის ოდენობით.

8.4 ხელშეკრულების შეწყვეტის შემთხვევაში მიმწოდებელი დაჯარიმდება ხელშეკრულების ღირებულების 10%-ის ოდენობით

8.5 საჯარიმო სანქციით დაკისრებული თანხა გადახდილ უნდა იქნას მხარისთვის აღნიშნულის თაობაზე გადაწყვეტილების (წერილი ჯარიმის დაკისრების თაობაზე) გაცნობიდან არაუგვიანეს 1 (ერთი) თვის ვადაში.

8.6 ხელშეკრულებით გათვალისწინებული ანგარიშსწორების ვადის გადაცილებისათვის მიმწოდებელი უფლებამოსილია შემსყიდველს დააკისროს პირგასამტეხლო ყოველ ვადაგადაცილებულ დღეზე, მიმწოდებლისათვის ჩასარიცხი თანხის 0.15%-ის ოდენობით.

8.7 საჯარიმო სანქციების გადახდა არ ათავისუფლებს ხელშეკრულების მხარეებს ძირითადი ვალდებულებების შესრულებისაგან.

## 9. ხელშეკრულების შეწყვეტა

9.1 ხელშეკრულების დამდები ერთ-ერთი მხარის მიერ ხელშეკრულების პირობების შეუსრულებლობის ან არაჯეროვნად შესრულების შემთხვევაში, მეორე მხარეს შეუძლია მიიღოს გადაწყვეტილება ხელშეკრულების ცალმხრივად შეწყვეტის შესახებ.

9.2 ხელშეკრულების დამდები მხარე, რომელიც მიიღებს ასეთ გადაწყვეტილებას ვალდებულია შეატყობინოს მეორე მხარეს მიღებული გადაწყვეტილება, მისი მიღების საფუძველი და ამოქმედების თარიღი.

9.3 ხელშეკრულების შეწყვეტისას მხარეს შეუძლია მოითხოვოს ზიანის ანაზღაურება, რომელიც მას მიადგა მეორე მხარის მიერ ხელშეკრულებით ნაკისრი ვალდებულების შეუსრულებლობით.

9.4 ხელშეკრულების ცალკეული პირობების მოქმედების შეწყვეტა არ ათავისუფლებს მხარეებს დანარჩენი ვალდებულებების შესრულებისაგან.

9.5 შემსყიდველს უფლება აქვს მიიღოს გადაწყვეტილება ხელშეკრულების ცალმხრივად შეწყვეტის შესახებ, მათ შორის შემდეგ შემთხვევებში:

ა) მიმწოდებლის მიერ შესყიდვის ობიექტის მიწოდების ვადის 20 კალენდარულ დღეზე მეტი ვადით გადაცილების შემთხვევაში;

ბ) თუ შემსყიდველისათვის ცნობილი გახდა, რომ მისგან დამოუკიდებელი მიზეზების გამო იგი ვერ უზრუნველყოფს ხელშეკრულებით ნაკისრი ვალდებულებების შესრულებას;

გ) საქართველოს კანონმდებლობით გათვალისწინებულ სხვა შემთხვევებში, მათ შორის მიმწოდებლის მიერ ხელშეკრულებით ნაკისრი ვალდებულების ნებისმიერი ისეთი დარღვევის დროს, რაც შეუძლებელს ხდის ნორმალური სახელშეკრულებო ურთიერთობის გაგრძელებას, ან იწვევს შემსყიდველის ინტერესის დაკარგვას სახელშეკრულებო ურთიერთობის გაგრძელებისადმი.

9.6 ამ მუხლის პირველი და მე-5 პუნქტში მითითებულ შემთხვევებში შემსყიდველი ვალდებულია აუნაზღაუროს მიმწოდებელს ფაქტიურად მიწოდებული საქონლის ღირებულება.

## 10. ფორს-მაჟორი

10.1 ფორს-მაჟორი - სტიქიური მოვლენები, გაფიცვები, საბოტაჟი ან სხვა საწარმოო არეულობა, სამოქალაქო მღელვარება, ომი, ბლოკადა, აჯანყება, მიწისძვრა, მეწყრების ჩამოწოლა, ეპიდემია, წყალდიდობა და სხვა მსგავსი მოვლენები, რომელიც არ ექვემდებარება მხარეთა კონტროლს და

რომელთა თავიდან აცილებაც მათ მიერ შეუძლებელია. ფორს-მაჟორად არ ითვლება მიმწოდებლის ფინანსური მდგომარეობის გაუარესება, თუ ეს ჩამოთვლილ მოვლენებთან არ არის დაკავშირებული.

10.2 ხელშეკრულების პირობების ან რომელიმე მათგანის მოქმედების შეჩერება ფორს-მაჟორული გარემოებების დადგომის გამო არ იქნება განხილული, როგორც ხელშეკრულების პირობების შეუსრულებლობა ან დარღვევა და არ გამოიწვევს საჯარიმო სანქციების გამოყენებას და მიმწოდებლისათვის ხელშეკრულების შესრულების გარანტიის დაუბრუნებლობას.

10.3 ფორს-მაჟორული გარემოებების დადგომის შემთხვევაში ხელშეკრულების დამდებმა მხარემ, რომლისთვისაც შეუძლებელი ხდება ნაკისრი ვალდებულებების შესრულება, დაუყოვნებლივ უნდა გაუგზავნოს მეორე მხარეს წერილობითი შეტყობინება ასეთი გარემოებების და მათი გამომწვევი მიზეზების შესახებ, რომელსაც თან უნდა ახლდეს შესაბამისი დამადასტურებელი დოკუმენტაცია, მათ შორის, საჯარო სამართლის კორპორაცია „საქართველოს სავაჭრო სამრეწველო პალატის“ დასკვნა ფორს-მაჟორის დადასტურების შესახებ. თუ შეტყობინების გამგზავნი მხარე არ მიიღებს მეორე მხარისაგან წერილობით პასუხს, იგი თავისი შეხედულებისამებრ, მიზანშეწონილობისა და შესაძლებლობის მიხედვით აგრძელებს ხელშეკრულებით ნაკისრი ვალდებულებების შესრულებას და ცდილობს გამონახოს ვალდებულებების შესრულების ისეთი ალტერნატიული ხერხები, რომლებიც დამოუკიდებელნი იქნებიან ფორს-მაჟორული გარემოებების ზეგავლენისაგან.

10.4 იმ შემთხვევაში თუ ფორს-მაჟორული გარემოებების დადგომის გამო, იცვლება ხელშეკრულებით გათვალისწინებული რომელიმე პირობა, აღნიშნული ცვლილება უნდა გაფორმდეს მხარეთა წერილობითი შეთანხმების სახით.

## 11. ხელშეკრულებაში ცვლილებების შეტანა

11.1 თუ რაიმე წინასწარ გაუთვალისწინებელი მიზეზების გამო წარმოიშობა ხელშეკრულების პირობების შეცვლის აუცილებლობა, ცვლილებების შეტანის ინიციატორი ვალდებულია შეატყობინოს მეორე მხარეს შესაბამისი ინფორმაცია. ამავე დროს შემსყიდველი არ არის ვალდებული წარუდგინოს მიმწოდებელს რაიმე მტკიცებულებანი იმ გარემოებებთან დაკავშირებით, რომლების გამოც წარმოიშვა ხელშეკრულების პირობების შეცვლის აუცილებლობა.

11.2 ხელშეკრულების პირობების ნებისმიერი ცვლილება (მათ შორის მხარეთა შეთანხმებით ხელშეკრულების შეწყვეტა) უნდა გაფორმდეს წერილობით - მხარეთა შეთანხმების სახით და დანართის სახით უნდა დაერთოს ხელშეკრულებას. მხარეთა წერილობითი შეთანხმება ცვლილების თაობაზე, ჩაითვლება ხელშეკრულების განუყოფელ ნაწილად.

11.3 ხელშეკრულების საბოლოო ღირებულება განისაზღვრება, შემსყიდველის მოთხოვნის შესაბამისად, ფაქტობრივად მიწოდებული შესყიდვის ობიექტის ღირებულებით, რაც არ საჭიროებს დამატებით შეთანხმებას.

## 12. უფლებების გადაცემა

12.1 ხელშეკრულებით განსაზღვრული უფლება-მოვალეობების მთლიანი ან ნაწილობრივი გადაცემა ფორმდება მხარეთა წერილობითი შეთანხმებით (შემსყიდველი - მიმწოდებელი - შესამე პირი).

12.2. დაუშვებელია ხელშეკრულებაში მიმწოდებლის ჩანაცვლება, გარდა საქართველოს კანონმდებლობით გათვალისწინებული შემთხვევებისა (ორგანიზაციის შერწყმა, გაყოფა და სხვ.)

## 13. ღირებულება

13.1 მხარეთა შეთანხმებით დასაშვებია ხელშეკრულების საერთო ღირებულების შეცვლა.

13.2 მიმწოდებელთან დადებული ხელშეკრულების პირობების შეცვლა დაუშვებელია, თუ ამ ცვლილების შედეგად შემსყიდველი ორგანიზაციისათვის იზრდება ხელშეკრულების ღირებულება ან უარესდება ხელშეკრულების პირობები, გარდა საქართველოს სამოქალაქო კოდექსის 398-ე მუხლით გათვალისწინებული შემთხვევებისა.

13.3 საქართველოს სამოქალაქო კოდექსის 398-ე მუხლით გათვალისწინებული პირობების დადგომის შემთხვევაში დაუშვებელია თავდაპირველად დადებული ხელშეკრულების ღირებულების 10%-ზე მეტი ოდენობით გაზრდა.

13.4 ხელშეკრულების ღირებულების შეცვლა ფორმდება მხარეთა წერილობითი შეთანხმების სახით.

#### 14. ურთიერთობა ხელშეკრულების დამდებ მხარეებს შორის

14.1 ნებისმიერი ოფიციალური ურთიერთობა ხელშეკრულების დამდებ მხარეებს შორის უნდა ატარებდეს წერილობით ფორმას. წერილობითი შეტყობინება, რომელსაც ერთი მხარე ხელშეკრულების შესაბამისად უგზავნის მეორე მხარეს, იგზავნება საფოსტო გზავნილის სახით. ოპერატიული კავშირის დამყარების მიზნით დასაშვებია შეტყობინების მეორე მხარისათვის მიწოდება ტელეფონის, ელექტრონული ფოსტის ან ფაქსის გაგზავნის გზით იმ პირობით, რომ შეტყობინების ორიგინალი შემდგომში წარედგინება მეორე მხარეს უშუალოდ ან ხელშეკრულებაში მითითებულ მისამართზე საფოსტო გზავნილის გაგზავნის მეშვეობით.

14.2 ტელეფონით, ელექტრონული ფოსტით ან/და ფაქსით ურთიერთობისათვის გამოყენებულ იქნება:

ა) მიმწოდებლის შემდეგი რეკვიზიტები: საკონტაქტო პირი: დავით დევაძე; მობილური ტელეფონის ნომერი: +995591111202, ელექტრონული ფოსტა: maxtor@mail.com

ბ) შემსყიდველის შემდეგი რეკვიზიტები: საკონტაქტო პირი: კახაბერ ჯატიაშვილი; მობილური ტელეფონის ნომერი: 577596828

14.3 ხელშეკრულებაში მონაწილე ორივე მხარე ვალდებულია, ხელშეკრულების მოქმედების პერიოდში საკონტაქტო პირ(ებ)ის ან ინფორმაციის ცვლილება წერილობითი სახით აცნობოს მეორე მხარეს.

14.4 შეტყობინება შედის ძალაში ადრესატის მიერ მისი მიღების დღეს.

#### 15. სადაო საკითხების გადაწყვეტა

15.1 ხელშეკრულების დამდები მხარეები თანხმდებიან მასზე, რომ ხელშეკრულების ან მასთან დაკავშირებული საკითხების ირგვლივ მათ შორის წარმოქმნილი ნებისმიერი დავა შესაძლებელია გადაწყდეს მხარეთა შეთანხმებით, ხოლო ასეთის მიუდგევლობის შემთხვევაში, დავა გადაწყდება მოქმედი კანონმდებლობის შესაბამისად საქართველოს სასამართლოს მიერ.

15.2 ზიანის ანაზღაურებასთან დაკავშირებით, გამოიყენება საქართველოს სამოქალაქო კოდექსის შესაბამისი მუხლები.

15.3 ხელშეკრულება დადებულია საქართველოს კანონმდებლობის შესაბამისად და ინტერპრეტირებული იქნება საქართველოს კანონმდებლობის მიხედვით.

#### 16. სხვა პირობები

16.1 ამ ხელშეკრულებით გაუთვალისწინებელი პირობები რეგულირდება საქართველოს კანონმდებლობით.

16.2 ხელშეკრულება შედგენილია ქართულ ენაზე და ხელშეკრულებასთან დაკავშირებული ნებისმიერი მიმოწერა შესრულებული უნდა იყოს ქართულ ენაზე.

16.3 წინამდებარე ხელშეკრულების ნებისმიერი ცვლილება ან დამატება ძალაშია მხოლოდ მას შემდეგ, რაც იგი წერილობითი ფორმითაა შედგენილი და ხელმოწერილი მხარეთა მიერ.

16.4 „ხელშეკრულების“ მუხლ(ებ)ი, პუნქტ(ებ)ი დანომრილია და დასათაურებულია მხოლოდ მოხერხებულობისათვის და ამ ფაქტს „ხელშეკრულების“ ინტერპრეტაციისათვის მნიშვნელობა არ ენიჭება. მუხლ(ებ)ის, პუნქტ(ებ)ის ან/და ქვეპუნქტ(ებ)ის დასათაურებაში ან დანომვრაში ცდომილების/სხვაობის არსებობის შემთხვევაში, გამოიყენება ამავე მუხლ(ებ)ის, პუნქტ(ებ)ის ან/და ქვეპუნქტ(ებ)ის შესაბამისი შინაარსის მქონე მუხლ(ებ)ი, პუნქტ(ებ)ი ან/და ქვეპუნქტ(ებ)ი.

16.5 „ხელშეკრულების“ ტექსტში მექანიკური ან/და ტექნიკური შეცდომის ან/და ხარვეზის არსებობის შემთხვევაში „მხარეთა“ მიერ, აღნიშნული შეცდომა ან/და ხარვეზი განხილული და განმარტებული უნდა იყოს „ხელშეკრულების“ შესაბამისი წინადადების (წინადადებების) ან/და შინაარსიდან გამომდინარე. იმ შემთხვევაში, თუ აღნიშნული შეცდომა ან/და ხარვეზი არ შეესაბამება „ხელშეკრულების“ სათანადო წინადადებას/წინადადებებს ან შინაარსს, მას (ხარვეზი/შეცდომა) „ხელშეკრულების“ შინაარსის განმარტებასთან დაკავშირებით არ ექნება (არ მიენიჭება) რაიმე მნიშვნელობა.

შემსყიდველი:

მიმწოდებელი:

ხელშეკრულება  
სახელმწიფო შესყიდვის შესახებ №58  
(NAT220006140)

დანართი #1

ფასების ცხრილი

| #        | შესყიდვის ობიექტის დასახელება |                                                                                                                   | საქონლის ტექნიკური მახასიათებელი (მისაწოდებელი საქონლის მწარმოებლის/ზრუნდის და წარმოშობის ქვეყნის მითითებით)                | განზომილება | რაოდენობა (ცალი) | ერთეულის ღირებულება (ლარი) | ჯამური ღირებულება (ლარი) | ვარგისიანობის ვადა |
|----------|-------------------------------|-------------------------------------------------------------------------------------------------------------------|-----------------------------------------------------------------------------------------------------------------------------|-------------|------------------|----------------------------|--------------------------|--------------------|
| <u>1</u> | <u>2</u>                      | <u>3</u>                                                                                                          | <u>4</u>                                                                                                                    | <u>5</u>    | <u>6</u>         | <u>7</u>                   | <u>8</u>                 |                    |
| 1        | თავსებადი კარტრიჯი            | კარტრიჯი პრინტერისთვის HP color LaserJet Pro MFP M181fw (შავი)                                                    | SENWILL / ჩინეთი/<br>CF530A ახალი, ქარხნული წარმოების, A-4 ფორმატის ქაღალდზე 5%-იანი დაფარვით, 1100 გვერდი ბეჭდვის რესურსით | ცალი        | 2                | 30.00                      | 60.00                    | 1 წელი             |
| 2        |                               | კარტრიჯი პრინტერისთვის HP color LaserJet Pro MFP M181fw (ლურჯი)                                                   | SENWILL / ჩინეთი/<br>CF531A ახალი, ქარხნული წარმოების, A-4 ფორმატის ქაღალდზე 5%-იანი დაფარვით, 1000 გვერდი ბეჭდვის რესურსით | ცალი        | 2                | 30.00                      | 60.00                    | 1 წელი             |
| 3        |                               | კარტრიჯი პრინტერისთვის HP color LaserJet Pro MFP M181fw (ყვითელი)                                                 | SENWILL / ჩინეთი/<br>CF532A ახალი, ქარხნული წარმოების, A-4 ფორმატის ქაღალდზე 5%-იანი დაფარვით, 1000 გვერდი ბეჭდვის რესურსით | ცალი        | 2                | 30.00                      | 60.00                    | 1 წელი             |
| 4        |                               | კარტრიჯი პრინტერისთვის HP color LaserJet Pro MFP M181fw (წითელი)                                                  | SENWILL / ჩინეთი/<br>CF533A ახალი, ქარხნული წარმოების, A-4 ფორმატის ქაღალდზე 5%-იანი დაფარვით, 1000 გვერდი ბეჭდვის რესურსით | ცალი        | 2                | 30.00                      | 60.00                    | 1 წელი             |
| 5        | თავსებადი კარტრიჯი            | კარტრიჯი პრინტერისთვის Canon i-SENSYS MF-633Cdw CRG 045BK შავი, CRG 045C ლურჯი, CRG 045M წითელი, CRG 045Y ყვითელი | SENWILL / ჩინეთი/<br>CRG 045BK შავი, ბეჭდვის რესურსი 1400გვ. 5% შევსებით                                                    | ცალი        | 2                | 30.00                      | 60.00                    | 1 წელი             |
| 6        |                               |                                                                                                                   | SENWILL / ჩინეთი/<br>CRG 045C ლურჯი, ბეჭდვის რესურსი 1300გვ. 5% შევსებით                                                    | ცალი        | 1                | 30.00                      | 30.00                    | 1 წელი             |
| 7        |                               |                                                                                                                   | SENWILL / ჩინეთი/<br>CRG 045M წითელი, ბეჭდვის რესურსი 1300გვ. 5% შევსებით                                                   | ცალი        | 1                | 30.00                      | 30.00                    | 1 წელი             |
| 8        |                               |                                                                                                                   | SENWILL / ჩინეთი/<br>CRG 045Y ყვითელი, ბეჭდვის რესურსი 1300გვ. 5% შევსებით                                                  | ცალი        | 1                | 30.00                      | 30.00                    | 1 წელი             |

|    |                       |                                                                                                                                                    |                                                                                                                                                   |      |    |        |        |        |
|----|-----------------------|----------------------------------------------------------------------------------------------------------------------------------------------------|---------------------------------------------------------------------------------------------------------------------------------------------------|------|----|--------|--------|--------|
| 9  | თავსებადი<br>კარტრიჯი | კარტრიჯი პრინტერისთვის<br>CANON c3025i<br>CANON C-EXV 54 (შავი), CANON<br>C-EXV 54 (ლურჯი) CANON C-<br>EXV 54 (წითელი) CANON C-EXV<br>54 (ყვითელი) | SENWILL / ჩინეთი/<br>CANON C-EXV 54 (შავი) ბეჭდვის რესურსი 15500გვ.<br>5% შევსებით                                                                | ცალი | 6  | 100.00 | 600.00 | 1 წელი |
| 10 |                       |                                                                                                                                                    | SENWILL / ჩინეთი/<br>CANON C-EXV 54 (ლურჯი) ბეჭდვის რესურსი 10000გვ.<br>5% შევსებით                                                               | ცალი | 3  | 100.00 | 300.00 | 1 წელი |
| 11 |                       |                                                                                                                                                    | SENWILL / ჩინეთი/<br>CANON C-EXV 54 (წითელი) ბეჭდვის რესურსი 10000გვ.<br>5% შევსებით                                                              | ცალი | 3  | 100.00 | 300.00 | 1 წელი |
| 12 |                       |                                                                                                                                                    | SENWILL / ჩინეთი/<br>CANON C-EXV 54 (ყვითელი) ბეჭდვის რესურსი 10000გვ.<br>5% შევსებით                                                             | ცალი | 3  | 100.00 | 300.00 | 1 წელი |
| 13 | დრამ<br>მოწყობილობა   | დრამ მოწყობილობა<br>მრავალფუნქციური შავ-თეთრი<br>ლაზერული პრინტერისთვის<br>HP LaserJet Ultra MFP M134fn                                            | SENWILL / ჩინეთი/<br>HP LaserJet CF234A ახალი, ქარხნული წარმოების<br>ფერი - შავი; რესურსი - 10000 ფურცელი.                                        | ცალი | 2  | 40.00  | 80.00  | 1 წელი |
| 14 | თავსებადი<br>კარტრიჯი | კარტრიჯი მულტიფუნქციური<br>პრინტერისათვის Canon i-<br>SENSYS MF 4018                                                                               | SENWILL / ჩინეთი/ FX-9/10 /Q2612A ახალი, ქარხნული<br>წარმოების, A- 4 ფორმატის ქაღალდზე 5%-იანი დაფარვით<br>ბეჭდვის რესურსი: 2000 ფურცელი          | ცალი | 20 | 16.00  | 320.00 | 1 წელი |
| 15 | თავსებადი<br>კარტრიჯი | კარტრიჯი მულტიფუნქციური<br>პრინტერ LaserJet M1132MMFP -<br>თვის                                                                                    | SENWILL / ჩინეთი/<br>CB435A/436/278/CE 285A ახალი, ქარხნული<br>წარმოების, A-4 ფორმატის ქაღალდზე 5%-იანი<br>დაფარვით ბეჭდვის რესურსი: 2000 ფურცელი | ცალი | 50 | 16.00  | 800.00 | 1 წელი |
| 16 | თავსებადი<br>კარტრიჯი | კარტრიჯი პრინტერისათვის<br>CANON i-SENSYS MF4730                                                                                                   | SENWILL / ჩინეთი/<br>CE278A/ 728 ახალი, ქარხნული წარმოების, A4ფორმატის<br>ქაღალდზე 5%-იანი დაფარვით, 2100<br>გვერდის ბეჭდვის რესურსით             | ცალი | 50 | 16.00  | 800.00 | 1 წელი |
| 17 | თავსებადი<br>კარტრიჯი | კარტრიჯი პრინტერისათვის<br>Canon i-SENSYS LBP6000B                                                                                                 | SENWILL / ჩინეთი/<br>CB435A/436/278/CE 285A ახალი, ქარხნული<br>წარმოების, A-4 ფორმატის ქაღალდზე 5%-იანი<br>დაფარვით ბეჭდვის რესურსი: 2000 ფურცელი | ცალი | 30 | 16.00  | 480.00 | 1 წელი |

|    |                       |                                                                                     |                                                                                                                                         |      |     |       |         |         |
|----|-----------------------|-------------------------------------------------------------------------------------|-----------------------------------------------------------------------------------------------------------------------------------------|------|-----|-------|---------|---------|
| 18 | თავსებადი<br>კარტრიჯი | კარტრიჯი პრინტერისათვის<br>Canon Canon I SENSYS MF216N                              | SENWILL / ჩინეთი/<br>CRG737/CF283X ახალი, ქარხნული წარმოების, A4 ფორმატის<br>ქაღალდზე 5%-იანი დაფარვით<br>ბეჭდვის რესურსი: 2500 ფურცელი | ცალი | 30  | 16.00 | 480.00  | 1 წელი  |
| 19 | თავსებადი<br>კარტრიჯი | კარტრიჯი პრინტერისათვის<br>Pantum M6550NW                                           | SENWILL / ჩინეთი/<br>PA210 ახალი, ქარხნული წარმოების, A4 ფორმატის ქაღალდზე<br>5%-იანი დაფარვით<br>ბეჭდვის რესურსი: 3000 ფურცელი         | ცალი | 25  | 60.00 | 1500.00 | 1 წელი  |
| 20 | თავსებადი<br>კარტრიჯი | კარტრიჯი პრინტერისთვის<br>Samsung Xpress SL –M2870FD<br>Laser Multifunction Printer | SENWILL / ჩინეთი/ D115L ახალი, ქარხნული წარმოების, A-4<br>ფორმატის ქაღალდზე 5%-იანი დაფარვით, 3000<br>გვერდის ბეჭდვის რესურსით          | ცალი | 125 | 25.00 | 3125.00 | 1 წელი  |
|    |                       | სულ ჯამი:                                                                           |                                                                                                                                         |      |     |       |         | 9475.00 |

მხარეთა მიერ გამოყენებულია ელექტრონული ხელმოწერები